

皇朝詞林典故

卷二十五
之二十六

PL
2548
C55
1887
v. 15

LIBRARY
MAR 24 1975
UNIVERSITY OF MICHIGAN

皇朝詞林典故卷二十五

恩遇

優眷

順治十三年。選日講官。庶子王熙。未

列名。

特旨擢用。其年冬

上幸景山臻祿閣。

召講官進講。熙講堯典稱

旨。令每日進講。並

諭嗣後不必立講。遂侍坐。次年又

諭駕出卽隨。不必請旨。

十六年。徐元文以

恩廷對第一。授修撰。特蒙

眷注。嘗扈從

卷二十五

南苑。

賜乘御馬。又嘗晚對。

便殿。夜分。

賜饌。

上問從者得毋饑乎。令侍衛賜之食。

康熙十二年五月。徐秉義以一甲第
三名授編修。其弟大學士元文以掌

院司教習具疏題明奉

特旨免秉義教習。

七月。

諭講官傳達禮。朕或出郊外。或幸南苑。嘗不輟講。以此翰林官員。每次隨從。但翰林各官。俱遠離家鄉。京城毫無資產。扈從不免艱苦。殊爲可念。嗣後扈從講官所用帳房。

及一切應用什物。酌定數目。由內府給與。

十月編修張英孫在豐扈從

南苑。入夜值大風雨。

上在行宮。謂侍臣曰。兩翰林恐油幕未具。得無有霑濕之苦。時已漏盡三鼓。

命中使至學士傳達禮帳中傳

諭移於五店

皇莊安宿學士回奏臣已爲二人料理何

敢煩

聖慮翼日學士傳

旨英等詣

行在恭謝是月

上在南苑行宮方張燈伸紙作大書中夜傳

侍讀學士喇沙里至前復問兩翰林

此時作何事。對曰。方在直廬讀書。

上曰。可令兩人各賦良馬詩。學士請問良馬狀。

上曰。此不必論。古人以騏驥比君子。所謂驥不稱其力。稱其德也。卽日恭賦二律以進。是月。

諭令修撰韓昶以所作時文二首進呈。復

命悉呈平日文稿。

十六年。

諭侍講學士張英加食正四品俸供奉內廷。
其書寫之事令高士奇在內供奉。伊等居
住房屋。交內務府撥給。

謹按翰林蒙

恩賜第者後此如勵杜訥朱彝尊蔡升元蔣

廷錫。張廷玉。徐本。任啟運。余棟。陳世倌。陳宏謀。雷鉉。劉統勲。劉綸。汪由敦。史貽直。于敏中。裘曰修。王際華。梁國治。董誥。王杰。彭元瑞。孫士毅。朱珪。諸人不能悉舉。

聖朝體恤儒臣。實無微弗至焉。

十七年夏。

駕幸景山。

命學士張英。侍讀高士奇從。

上賦夏日登景山同翰林張英高士奇作詩

一章。七月復

御書是詩以賜英等。

駕幸西山。將至潭柘寺。

上命士奇於馬上聯句二首。

十八年。

命內廷供奉周道寫侍讀學士張英小像。裝

潢成軸。

賜之。

是年學士孫在豐扈從

南苑翼圍之內。有麇鋌走。

上以御用弓矢授在豐射得麇。遂

賜之謂大臣曰。孫在豐文武材也。及試武進士。

上復命在豐射。射連中。

上大悅。語侍衛。是固曩日射麋者也。後嘗扈駕南巡。至蘇州。

上傳諭云。孫在豐家湖州。去此不遠。可一往省親。瀕行復

諭。汝來不必至江寧。第於淮揚詣行在其金陵名勝。有應留名處。汝係從官。必爲爾題名也。

二十一年。

特命南書房入直翰林於禁中乘馬檢討朱彝尊紀

恩詩曰。迴思身賤日。足繭萬山中。真異數也。

恩請日二十五年。

諭大學士等曰。學士徐乾學。張英。學問淹通。

文章事務。著留辦理。以後開列巡撫。不必

列名。

二十八年。

聖駕南巡。至濟南。登城閱視畢。

回輦將下城。從官皆控馬立女牆旁。

上顧講官陳元龍曰。爾書生。可卽乘馬。隨朕而行。隨令中使扶元龍上馬。

是年。

駕至浙江杭州。

幸高士奇西溪山莊。

賜五言詩一首。並

御書竹窗二字。

三十三年五月初八日。

諭翰詹官日派四員直

南書房。初九日。試夏日內廷應制七言

律。初十日。試賦得西園翰墨林應制

五言排律。

賜侍讀學士徐嘉炎。

御筆陶詩。臨蘇軾書。十一日。試賦得膏雨潤

公田應制五言律。

賜庶子孫岳頌。

御筆臨米芾書一卷。又

賜庶子陳論等三人。

御書石刻千文。十二日。試賦得紫禁朱櫻出

上闌應制七言律。限韻五微。

賜侍讀陸肯堂等二人。

御書石刻千文。十三日。試詠五臺金蓮花詩。

五言律。限韻八齊。

御製一首。又

命掌院學士張英。太常寺少卿勵杜訥。同賦。

十四日。試賦得崇文聊駐輦。應制五

言古。限輦字。是日編修仇兆鰲進所

注道德經。十六日。試恭讀

御製覽貞觀政要應制五言律限韻二蕭十

七日試恭讀

御製時巡近郊憫農事有作應制五言律限
韻八齊十八日試恭讀

御製懋勤殿讀尚書至無逸篇有作應制五
言律限韻五微

賜編修張希良

御書白羽扇賦。十九日。試恭讀。

御製觀天象詩。應制五言律。限韻九佳。是日。

直者八人。

賜編修宋大業

御書杜甫詩。

渭北春天樹四句。

二十六日。試

聖駕夏日閱視河隄詩。應制五言律。限韻六

魚。是日直者九人。二十七日。試恭讀。

御製宮門聽政示閣部諸臣詩應制五言律。

限韻六麻。二十八日。試恭讀

御製詠史詩應制七言律。限韻十灰。二十九日。

上躬祀

北郊還宮。試渾天儀詩應制七言律。限韻十。

蒸。閏五月初一日。試賦得虛心高節

雪霜中應制七言律。限韻十二文。初二日。試讀朱文公文集應制五言律。限韻十四寒。初三日。試賦得駐輦華林側。應制五言律。限韻十三覃。

謹按翰林輪直

南書房。

命題親試。品藻藝林。悉歸

睿鑑。並蒙頒賚。

宸翰訓誨頻加。自五月初九日。至閏五月初三日。月幾一周。

聖人娛情翰墨。疊疊不已。儒臣殊遇。無有踰於斯者。

三十九年。

特命蘇州織造爲祭酒孫岳頌。置田宅。

四十年。

上御便殿作書。

召內直翰林賜觀。

諭云。爾等家中各有堂名。不妨自言。當書以賜。陳元龍跪奏臣父年踰八十。擬請愛日

堂三字。諭德查昇擬請澹遠二字。

上卽揮毫賜之。

謹按凡

賜從臣堂顏。多隨其職任所在。用

示訓誨。茲乃蒙

恩書其所欲書者以賜。尤見

體羣臣之至意。自古藝林所罕覩也。

四十二年。

聖駕南巡。在籍中允蔡升元迎

三言言木身古 卷三三
變。

召入御舟。

天顏溫霽。問爾同年皆爲大僚。爾何故久不
來京。升元以三代未葬對。行十餘里。

命中使引入副舟。仍令移傍

御舟。

諭明日至杭州。賜爾字。升元恭進迎。

鑾詩。

聖壽萬年頌。侍衛傳

旨。蔡升元在講筵甚久。家計甚貧。爾祖父葬事約須多少。朕給爾所費。升元感激涕零。不知所對。侍衛復傳

旨。賜銀六百兩。令事竣卽速來京。又賜

皇朝詩林典故 卷二十三
御書臨黃庭經絹一幅。

是年查慎行選庶吉士。時掌院學士
教習揆敘爲慎行受業弟子。

特旨免慎行赴教習館。慎行賦詩有

詔恩已免春秋課。館職猶充弟子科。變白果
能生黑否。出藍其奈謝青何之句。

四十三年詹事陳元龍以親病乞歸。

繕疏送通政司仍赴

苑中侍直中使傳

旨云爾告歸之疏已達覽閣票該部議奏俟
部中具覆再下旨時幾及一月爾思親念
切且天氣漸熱可卽起身不必等候復

賜人葠二觔傳

旨云可攜歸奉爾父也

皇朝詩林典故 卷三十三
四十四年。

上南巡。在籍詹事陳元龍迎

駕。

上倚船窗慰問。詢及爾父老年無恙否。元龍

進呈臣民望幸詩冊。

賜御書南陔曰永扁額。

御製詩集一部。

皇輿表一部。又

賜元龍父陳之闇。內製砥石硯一方。

御書金扇一柄。又

賜之闇人。獲二劬。傳

諭云。爾有老親在家。可從此辭歸。不必遠送。

是年。檢討張廷玉。以

內廷翰林扈

蹕。

上以廷玉父英迎。

鑾。

諭曰。汝父遠來。不久便歸。汝當隨侍左右。以盡家人之歡。不必頻入直也。廷玉紀。

恩詩有。

聖人錫類無窮意。早識微臣愛日心之句。

駕至蘇州

行宮漏下一鼓。

特徵

御筵酒果以

賜內廷翰林。令盡醉而散。廷玉紀

恩詩。有

堂廉不啻家人誼。月下詞臣酩酊歸之句

是年五月。

上御淵鑒齋。召大學士張玉書。陳廷敬。尚書

王鴻緒。少詹蔡升元。學士查昇。陳壯

履。王原祁。編修勵廷儀。查慎行。蔣廷

錫。檢討張廷玉等。入至雲步石。

賜饌畢。各

賜荷花一瓶。隨令由蕊珠院延賞樓泛舟回

直廬。

四十七年。

聖駕至化育溝行宮。

命扈

蹕翰林游觀後苑。從東掖門北行。遍歷澄鑑亭。宛在亭諸處。

賜食口外百合雉羹。又

賜金蓮花各一瓶。

四十八年。

召內廷翰林入淵鑑齋。乘舟至瑞景軒。蕊珠
院。露華樓。遍觀各種牡丹。

五十一年。

賜翰詹松花綠石硯。中使宣

旨。查慎行。吳廷楨。廖賡謨。宋至。吳士玉。五人。

向在武英殿纂修。著揀式樣佳者給與。

五十二年。

上以漢掌院學士湯右曾工詩。

語滿掌院學士揆叙。令其進呈。揆叙以曾見

其咏文光果詩對。

上卽命取閱。

御製賜和有叢香密葉待詩公之句。朝士榮

之。

謹按自古君臣唱和。虞書賡歌。卷阿
遂歌。尚已。三代而下。若唐太宗。宋仁
宗。咸得颺拜矢音之遺意。大抵君唱
臣和者爲多。若臣下之作。仰蒙

睿賞。

俯賜和章。從古罕有。乾隆初。沈德潛。錢陳羣。

張鵬翀等進呈諸篇屢蒙

賜和。嘉慶十年大學士朱珪詩稿進呈。

皇上賜詩。卽用其稿中紀

恩詩韻。詞臣遭際之榮。後先輝映焉。

雍正三年檢討董玘請歸養。部議應俟母終之後來京。

上曰。董玘純孝。豈有當孝子之前而曰俟爾。

父母旣沒而來京者哉。但允其請足矣。

四年二月大學士朱軾丁母憂。

賜銀四千兩。

勅令馳驛回籍治喪事。畢來京。九月軾將至。

上遣學士何國宗副都統永福迎勞。

賜食。

十一年。

賜祭原任大學士張英於本籍賢良祠奉

旨。張廷玉給假回籍舉行典禮。

賜白金一萬兩。爲祠宇祭祀。及長途資斧之

用。並

賜御用冠帶珍裘文綺。豐貂人蔭。玻璃磁器

古玩雜佩之屬。又

命內務府製安車。選良騎以寵其行。並

賜內廷歷年所刻書籍五十二種。交江南織造從官艘運回。送至桐城。先期陛辭。上手賜玉如意一柄。

諭曰。願爾往來事事如意。復

命中使賚酒肴果餌四筵。至私寓傳

旨。酌以金壘曰。大學士明日啟行。特頒酒筵

餞送。次年廷玉回京。

上遣內大臣戶部侍郎海望迎勞於盧溝橋。
頒賜酒膳。

乾隆元年十月。

命原任侍講學士梁詩正照現任學士例食
俸。以其入直。

內廷也。

謹按授職詔摺。

國有恒經。以需次候補之員。卽邀支領。
實爲逾格。後此如余棟。董邦達。汪永
錫。蔣櫟。沈初。彭冠。曹文埴。黃軒。褚廷
璋。皆以候補翰詹。蒙

高宗純皇帝恩。予食俸。嘉慶九年。黃鉞以候
補贊善。亦蒙

皇上恩。予食俸。且得一體考試。試差尤稱

異數云。

三年以甘霖普降。

特召大學士內廷翰林。於圓明園泛舟游覽。

卽時成詩。同諸臣面賦以誌勝賞。

五年。

諭吏部鄂容安著補授詹事府詹事。大學士等承旨之時。鄂爾泰以身任大學士伊子。

鄂容安實不稱詹事之任。再四奏辭。情甚懇切。朕之用人。悉秉至公。大臣子弟。果能立志向上。諸事黽勉。斯能不愧世臣。可以爲國家宣力。朕看大學士之子鄂容安。張若靄。朱必堦。皆能遵守家聲。祇受國恩。况鄂容安。張若靄。向蒙

皇考令在軍機處行走。原欲造就成人。此次

擢用。乃朕量才加恩。卽裁者培之之道。大學士鄂爾泰。不必以已意固辭。並將此旨諭臣工等知之。

七年。庶子張鵬翀。進奏經史。

召對便殿。

溫語移時。

賜御書文綺。鵬翀作紀。

恩詩六章。次日畫春林澹靄圖進呈。卽題其

上。

上用元韻俯和。

龍章立就。筆不停輟。兼

命大學士張廷玉傳

諭。乘興偶成。非誇多鬪靡。蹈翫物喪志之戒。

鵬翮復於

宮門賡韻以進復

賚松花綠石硯一方。鵬翀又嘗進日長山靜

便面並詩。

上仍用其韻。

立賜詩八章。先後進和詩。不可勝紀。

是年十月。

上於紫光閣閱武舉騎射。講官張鵬翀侍班。

試畢會瑞雪應時而降。

上賦太液池泛舟咏雪示詞臣張鵬翀五言

律一章。

宣鵬翀登

御舟。

賜坐給筆扎。

命和詩畢隨

輦入朝。鵬翀賦咏雪紀。

恩詩四章進呈復。

示詩二章。

命翼日和進。

八年。

諭大學士兼掌院事鄂爾泰。張廷玉俱已年邁。乘馬維艱。著在紫禁城乘轎行走。

十一年。

南書房行走內閣學士沈德潛請假葬

親。

賜

御製詩一章。以寵其行。

召問何日還京。

恩禮款洽。

特賜依一品例。誥封三代。復

賜詩一章。次年假滿赴

闕。

上又賜詩。以其請假時奏對及還京月日。故

有朋友重然諾。況在君臣間之句。以

未還京時。先

命隨侍。

皇朝詩林典故 卷三
皇子讀書。故有善爲道孔顏之句。

謹按沈德潛以晚年受

聖主特達之知。

眷顧有加。

聖製詩成時。

命賡和。其進呈之作。亦每

俯賜和章。並

賜

御製序文并其詩稿以耆宿待之。有非尋常
詞臣所可及者。

三十年以

南書房行走侍郎德保爲順天學政時
德保典試江西還京

召對面陳順天學政考試八旗生童例應迴

避。

上曰。汝之爲人。知之有素。何以嫌爲。不必迴避。

四十一年。

諭文職漢大臣由鼎甲出身者。向無賞戴花翎。及賞黃褂之事。大學士掌院于敏中。於辦理金川軍務。承旨書諭。倍著勤勞。昨因

大功告蒧。特沛恩綸。畫入紫光閣功臣像。與其餘詞臣不同。著加恩賞戴孔雀翎。並給黃褂。以示優眷。次日復蒙恩換雙眼花翎。

四十六年。

上行圍木蘭。圍場逸出一麇。修撰戴衢亨執以獻。因以

賜之並。

賜御製詩。有狀元端是讓前輩。大鹿小麕獲則同之句。先是丙申。

秋獮。大學士于敏中。曾於行帳獲鹿進獻。故有是。

語並。

命和韻。

四十七年進呈一統志。

國朝松江府人物志內載王頊齡。王鴻緒諸人。未載張照。

上以照之資學明敏。書法精工。爲海內所共推重。供奉內廷。極儒臣之榮遇。文采風流。實不愧其鄉賢董其昌。

命將張照官秩出處事蹟。一並載入。

四十九年。

上以大學士掌院嵇璜年老。

諭令每冬日出後入直。

五十年。

尚書房行走大學士蔡新。

予告。

恩禮優加。

命傳乘而歸。

賜詩以寵其行。先是

御製臨雍詩。有韓愈不甘弟子列。蔡新或備
伯兄行之句。字內榮之。

五十五年。

上以大學士掌院嵇璜年老。紫禁城乘馬維
艱。

特命乘坐小椅。兩人舁行入直。六月年屆八旬。請移於八月。

萬壽聖節後始行稱慶。故

賜詩有誕日原當六月初。復移稱慶實謙虛之句。次年。

賜肩輿入直。

恩寵益有加焉。

嘉慶二年。

賜侍讀學士戴衢亨。三品卿銜。隨同軍機

大臣學習行走。

五年。

南書房行走。尙書朱珪。蒙

恩以累年所賜諸作復

親選

皇朝詩林
卷二十三
御書裝成二冊賜之。

謹按在昔君臣交泰。形爲賡歌。凡睿藻之施宸翰之貺。寸簡尺幅。珍重殊常。從未有

綸言成帙。頒非一時。

寶字親揮。累如連貝。如斯之優且渥者。

六年。教習庶吉士侍郎英和典試江

南還京。

命錄紀行詩呈

覽。越日

召對。

上曰。爾詩內秋風淡淡路迢迢句。淡淡似

春風。應改蕩蕩。英和稽首謝

恩。

謹按英和以翰林疊受

殊恩。自嘉慶四年奉

勅將平日詩稿進呈。五年頒

詔朝鮮還京。亦蒙

諭令錄紀行詩進呈。茲復邀

天語訓改。栽培造就。誠非臣下夢寐所敢

期已。

七年。

聖駕幸木蘭。

南書房行走侍郎英和以扈從

行圍獲鹿。

賜黃褂。

是年大學士王杰。

予告。

皇朝詩林典故 卷二十三
恩禮優加。

諭俟來年春融後自定行期。屢蒙

召對。許扶杖入

內右門。至

養心殿。次年三月。將啟程。特以

高宗純皇帝御前陳設玉鳩杖一枝。

命王杰祇領。復

賜

御書聯語。

御製詩二章。暨人蔭如意等物。並

命傳乘而歸。所經地方官在二十里以內
者。妥爲照料。

九年。

上以在籍致仕大學士王杰夫婦八旬齊

年。

賜

御製詩幅。無量壽佛。及如意朝珠珊瑚頂

冠蟒袍補服文綺等物。王杰赴

闕謝

恩。

特命在紫禁城乘轎。並

諭令其自度精力。隨意入朝。

聖恩稠疊。有加無已。極儒臣之至榮也。

十年七月。

諭本日吏部將翰林院侍讀學士詹事府
司經局洗馬各一缺。開列請簡。已降旨
將汪廷珍轉補翰林院侍讀學士。裴謙
補授侍講學士。王鼎補授詹事府司經

局洗馬矣。翰詹各官。遇有加恩陞轉。例得具摺陳謝者。值朕啟蹕巡幸。多趨赴行在謝恩。此次前往盛京。道途較遠。翰詹本係清曹。往返跋涉。未免多需資斧。汪廷珍等著俱不必來行在謝恩。俟回鑾時。遠迎一二程奏謝。以示體恤。

謹按向值

巡幸時遷轉者。例趨赴

行在陳謝。

上眷念詞

臣

清苦。

特旨免其前往。令於

旋蹕時遠迎一二程奏謝。嗣是

簡放文武各員。因亦得仰蒙

恩諭。一體免行。既省跋涉之費。仍得遂瞻

仰之忱。

聖主體卹之周。洵無微不至也。

皇朝詞林典故卷二十五

皇朝詞林典故卷二十六

恩遇

嘉獎

順治十一年

諭內院。朕時莅內院。每見秘書院侍講卓夔
在院供職。勤慎可嘉。著特陞一級。以示獎
勸。

十一年。洗馬王熙侍直。

南苑。

上至直幄。閱熙所譯書。稱善久之。令長直

南苑。

十三年。以庶子王熙精通

國書。

賜御服貂裘一襲。並表忠錄一部。

十五年。

上幸內院。嘗指馮溥謂大學士等曰。汝等以何者爲翰林。朕視馮溥真翰林也。

十六年

命修撰徐元文。撰孚齋說。

御覽稱善。又嘗扈

蹕至焦園方丈。問以釋氏書。元文謝不習。

上曰。此人大有見解。狀元朕所親拔。此朕一門生也。左右稽首賀。

康熙十年。

諭新授掌院學士傅達禮曰。翰林院起居注。職任重大。關係機密。朕以爾才品優卓。可信任。故行簡用。爾黽勉以副朕意。

十六年。

上御懋勤殿。

諭講官喇沙里。陳廷敬。張英等曰。爾等每日
進講。啟導朕心。甚有裨益。嗣後天氣漸寒。
特賜爾等貂皮各五十張。表裏緞各二疋。

十七年。

召學士陳廷敬。見於

懋勤殿。

命以所作詩進呈

覽至

賜石榴子詩。風霜歷後含苞實。只有丹心老

不迷蒙。

恩褒美。

命至南書房。徹

御膳以賜。內侍齋二題

命賦詩。夜漏下乃退。

二十一年。學士張英請假葬父。

特頒手勅云。爾素性醇樸。侍從有年。朝夕講筵。恪恭盡職。茲因爾父未葬。具疏請假。朕念父子至情。忠孝皆出一理。准假南還。特賜白金五百兩。表裏二十疋。旣旌爾之勤勞。兼資墓田之用。爾其欽悉。惓惓至意。

二十三年。

諭。朕聞學士湯斌。曾與中州孫鍾元。講明道學。頗有實行。前曾典試浙江。操守甚善。可補授江蘇巡撫。

是年。

諭江蘇巡撫湯斌曰。吳中搢紳汪琬。原係翰林。爲人厚重。學問優通。且居鄉安靜。不豫

外事。特賜御筆手卷一軸。爾遣人付與。不必令其來見。著卽在家謝恩。

二十五年。講官陳元龍。侍直

乾清宮。

上曰。爾精於楷書。朕素知可寫大字一幅。因令就

御案作書。內侍濡毫伸紙。

三才圖會 卷三
上降座立案前觀書書畢

褒獎良久出

御書闕里碑文賜觀及退食晝漏已頻移矣

三十五年

上曰韓莢天下才風度好奏對亦誠實又

曰韓莢學問優長文章古雅所爲文能道朕
意中事前代所僅有也

謹按。蔡時爲掌院學士。凡應奉文字。每進一篇。

上輒稱善。遇有撰述。蔡必與焉。

四十四年。

南書房行走尙書王士禎請假。

上諭廷臣曰。山東人偏執好勝者多。惟王士禎則否。其作詩甚佳。居家除讀書外。別無

他事可給假五月。不必開缺。

五十三年。檢討胡煦。

召對於

乾清宮。畫圖講易。稱

旨。

上嘉其苦心讀書。

命直南書房。同大學士李光地。分纂周易折

中。次。年。

命在蒙養齋行走。

雍正七年。諭德謝履忠。稽查

咸安宮學務。聞訃丁憂。官學生等合詞

保留。奏

聞。奉

旨。賞銀二百兩。

乾隆三年。

諭內閣。今日編修彭樹葵奏進經史講義。引
用魏徵十思疏內之語。以爲人君之德。在
於慎思。且衍十思之義。爲箴十首。詞亦典
雅。尙近古人箴規之意。與泛論經史者不
同。甚屬可嘉。著賞內用緞二匹。筆墨二種。
以示優獎。

十六年。

上以尙書房行走尙書孫嘉淦所注詩經補注於興觀羣怨之旨有所發明。

特命間日呈

覽。薈萃成書。備葩經一解。詔示來學。

三十八年。

諭辦理四庫全書。將永樂大典內檢出各書。

陸續進呈。朕親加披閱。閒予題評。見其考
訂分排。具有條理。而撰述題要。粲然可觀。
則出於紀昀。陸錫熊之手。二人學問本優。
校書亦極勤勉。甚屬可嘉。紀昀曾任學士
陸錫熊曾任郎中。著加恩。均授爲翰林院
侍讀。遇缺卽補。以示獎勵。

四十三年。

南書房行走侍郎彭元瑞視學浙江。蒙
賜

御製全韻詩。因重排千字文恭跋奏謝。仰荷
睿獎。

特頒手勅云。向爲全韻詩。不過欲補黃綾本
篇頁。卿所知也。然頗謂無能重儔者。今見
排千字文之跋。所謂急則計生咄咄逼人。

以中多頌言。故不復書。今賜古硯御墨並貂裘。以旌異想逸才。

四十七年。四庫全書告成。館臣大理寺卿陸錫熊。編修吳省蘭。以恭撰表文。仰蒙

褒美。

賜大緞扇筆等物。侍郎紀昀。以改定表文。亦

叨

恩賜。

五十年。

南書房行走侍郎彭元瑞恭撰

皇極殿燈聯。

上以乾清宮舊有燈聯。乃前明詞林所製。元

瑞此作。過彼遠甚。

賜

御用紅絨結頂冠黑狐端罩如意金瓶並先

後

賜詩二章示獎勵焉。

嘉慶四年。掌院學士彭元瑞恭撰

高宗純皇帝祝文。

上以其措詞得當。

特恩加太子太保。

超擢

謹按凡例不應陞。及其次應陞蒙

恩特簡。皆歸超擢。惟編檢之陞中允。雖在
其次應陞。然適值贊善無人。承乏其
間者有之。非由特典。不具載。至曾任
大員。復爲翰林。又蒙超擢者。亦皆從

皇朝詩林典故 卷三
畧。

順治十年。

諭吏部翰林官陞轉舊例。論資俸兼論才品。
朕思果有才品特出者。何必拘於舊例。右
春坊右中允。仍管內翰林秘書院修撰事
呂宮。文章簡明。氣度閒雅。朕所親見。著遇
學士員缺。卽與推補。以示破格用人之意。

謹按呂宮以特達之

知。於奉

旨後。卽授秘書院學士。未幾授吏部侍郎。是
年冬。授弘文院大學士。數月間。由中
允擢至綸扉。殊遇也。

是月又

諭吏部。內翰林弘文院修撰麻勒吉會試殿

試皆居第一。同庶吉士教習。有志向學。朕
觀其氣度老成。兼通清漢文義。遇有侍讀
學士員缺。卽行推補。

康熙十六年。大將軍和碩康親王傑
書將福建不肯從逆之編修李光地
等題請議敘。得

旨。李光地不肯從逆。差人密奏地方機宜。忠

貞茂著。深爲可嘉。著從優議敘。尋授光地
額外侍講學士。次年鎮東將軍喇哈
達疏言。泉州在籍侍講學士李光地
遣人至臣軍中。爲大兵鄉導。由漳平
縣。朝天嶺。小路入安溪縣。復遣人修
通險道。接濟軍需。又躬迎大兵。文臣
爲國盡勞。請加議敘。得。

旨。李光地當閩地變亂之初。不肯從逆。具疏
密陳機宜。殫竭忠貞。今又遣人迎接大兵。
指引道路。平險隘。治浮橋。餽食物餉軍。率
民兵備辦糧米。供給兵衆口糧。矢志滅賊。
實心爲國。深爲可嘉。著從優授爲學士。

二十三年。擢侍講董誥。爲禮部侍郎。

兼侍讀學士。

二十七年。擢在籍檢討衛旣齊。爲山東布政使。

四十年。擢庶吉士董新策。爲甘肅寧夏道。

謹按庶常外用。例改知縣。董新策以未經授職。卽任監司。與後此徐景曾。饒鳴鎬。擢用知府。均爲破格云。是年。

擢侍讀學士許汝霖爲工部侍郎

謹按

國初讀講學士授吏禮二部侍郎者甚多。蓋康熙五十七年以前舊例。吏禮二部侍郎專係詹事。少詹事侍讀侍講學士祭酒應陞之缺也。至工部侍郎則翰林不得開列。乃蒙

簡用。允稱曠典。

四十二年春。

聖駕南巡。加在籍檢討。尤侗侍講銜。

謹按編檢擢侍講。滿員係內外班分
用。例在應陞。而漢員則在其次應陞。
故特書以後視此。

四十四年。

皇朝詞林典故 卷三
諭大學士等。原任翰林院侍讀徐倬。年逾八十。學問淵博。可特授禮部侍郎銜。

五十一年。擢編修張逸少。爲侍讀學士。

五十三年。擢編修阿克敦。爲侍講學士。

上以阿克敦學問較優。典試河南。聲名亦好。

故有是

命。

雍正元年。擢額外中允張廷璐爲侍
講學士。編修蔡世遠爲侍講。

十二年。擢編修蔣溥爲侍講。

十三年。擢庶吉士徐景曾爲湖北鄖
陽府知府。饒鳴鎬爲廣西南寧府知

府。

乾隆三年。擢侍讀。嵩壽。爲詹事。

四年。擢侍講。蔣溥。爲內閣學士。

七年。擢編修。秦蕙田。爲侍講。

十三年奉

旨。廣東海陽縣在籍翰林院檢討劉起振。年
屆百齡。洵爲國家人瑞。除照例給銀建坊。

外著加恩給與侍講銜。

三十三年擢編修沈初彭元瑞爲侍
講。

三十六年擢侍講彭元瑞爲少詹事
三十九年擢編修陸費墀爲侍讀。

上以陸費墀承辦四庫全書勤勉故有是
命。

皇朝詩林典故 卷二十六
賚予

國家

恩逮詞臣。筆難罄述。卿貳不敢仰希之異數。翰林往往與焉。故逾格。

懋賞兼詳於優眷嘉獎者甚多。每逢侍宴。賞必隨之。卽詞科經學考試。亦各有賚予。總以

恩出一時。未便分別。仍附載於本條。惟溥
賜翰詹。如康熙四十一年。

召大學士九卿翰林等至

保和殿

賜御書字幅。五十一年。

賜翰林等松花綠石硯。五十六年。

賜大學士翰林等周易折中各一部。雍正三

年。

賜翰林等扁綾。六年。頒

世祖章皇帝

聖製人臣儆心錄。令翰林等祇領各一部。十

年。

賜庶吉士新刊

上諭各一部。並

賜所刊經史詩文。每種三部。存貯教習庶常館。十三年。頒

聖祖仁皇帝

聖製全集。令翰林等祇領各一部。乾隆四年。

頒

世宗憲皇帝

聖製文集。令翰林等祇領各一部。五年。

皇朝詩林典故 卷三
賜翰林等

聖製樂善堂文集各一部。日知薈說各一部。

六年。

賜翰林等

欽定四書文各一部。九年。

賜翰林等

聖製盛京賦各一部。十年。

賜翰林等

聖製圓明園四十景詩各一部。三十七年。

賜

欽定重刻淳化閣法帖三部。分貯翰林院。詹

事府。教習庶常館。

隆施稠疊。超軼往古。

皇上嘉慶四年。恭修

高宗純皇帝實錄。凡

內庫文綺。遠方名果。皆隨時

分資。逾格

特頒。仰見

錫類推恩。有加無已。若夫

內廷翰林。

渥賜駢蕃。或一歲數見。或一人數邀。維累

牘連篇。不能紀十一於千百。至恭逢
慶典進獻頌冊之入選者。恭繕

御製詩文者。亦皆屢叨

優賞。特以沐

恩之員既衆。難以縷載。茲僅述其大概云

爾。

議敘

翰林夙稱載筆。凡編摩書籍。職分宜然。而

朝廷俯示鼓勵。

恩綸恒下沛焉。開館設局。歲有其事。纂修等。均月給廩餼。書成例邀議敘。俾得加級紀錄。恭修

列聖實錄。厥典尤渥。優等者。得以應陞之處。

儘先陞用。此外若康熙十九年。日講官以奉職勤勞。蒙

恩予議敘。掌院學士而下。皆於本職上特加陞銜。雍正十年。派隨左都御史史貽直等。往陝甘開導訓諭之庶吉士事。竣回京。蒙

恩予議敘。得以免試散館。是不由纂修。亦邀

議敘。乾隆四十七年。四庫全書第一

部告成。蒙

恩予議敘。或儘先陞用。或免試散館。或候缺
需時。得以通融借補。或緣事罷斥。得
以効力開復。甚而他途僚屬。亦得以
校讐奮勉。改授詞垣。一時人材之盛。
獎勸之殷。實古來館局所未有者。

皇上嘉慶四年恭修

高宗純皇帝實錄。迄今七載之間。已三邀議

敘。仰見

聖主至孝至仁。

恩逮臣庶。而翰林疊逢霑沐。宜何如夙夜

敬慎。用酌

厚澤於萬一也。

恩賜敘高

恩賜用

恩賜叙高而鎮林疊疊露林宜何吹風

聖主至奉至才通融侍補或林畢罷

恩賜叙高而鎮林疊疊露林宜何吹風

高宗降皇帝實綏洪今才建之間五三邀

皇朝詞林典故卷二十六



